

HAZ.
III

BIBLIOTECA NAZ.
Vittorio Emanuele III

XVI

C

60

NAPOLI

66

XVII

C

60.

DE EPISCOPORUM POTESTATE

IN PARÆCIIS DIVIDENDIS,
NOVISQUE ÆDIFICANDIS

DOMINICI FEUDALII

PAROCHI ISCANI SCYLLAGENÆ DIOECESIS

DIATRIBA,



N E A P O L I M D C C X C .

A P U D V I N C E N T I U M O R S I N I .

Superiorum facultate.

Omnia subita probantur incauta.
Cassiod. epist. 7.

*Nam si sua unicuique jurisdictio non
servatur, quid aliud agitur, nisi,
ut per nos, per quos ecclesiasticus cu-
stodiri debuit ordo, confundatur?*

*S. Gregorius Papa lib. 9. epist. 32.:
can. Pervenit.*

NICOLAO VIVENTIO

VIGILANTISSIMO FISCI PATRONO

P A R O C H U S

DOMINICUS FEUDALIUS

Perpetuam Felicitatem,

Uid ? reine admira-
 ratione corriperis,
 me, quocum nul-
 læ TIBI amicitiae
 necessitudines, nulla intercedit fa-
 miliaritas, optime Nicolæ, hanc
 TIBI meam Diatribam statim

nuncupasse ? Sed desine mirari :
 quidquid enim laudis de amicis,
 ac familiaribus dici potest, in qui-
 bus illud Ciceronis (1) sæpius
 comprobatur : *sed , inquit , pleri-
 que neque in rebus humanis quid-
 quam bonum norunt , nisi quod fru-
 ctuosum sit ; & amicos , tamquam
 pecudes , eos potissimum diligunt ,
 ex quibus sperant , se maximum
 fructum esse capturos ; id omne fa-
 cilis quidem in suspensionem ve-
 niat , quam eorum encomia , qui
 quum nulla sint amicitia conjun-
 cti , vera quidem pro sua senten-
 tia , Populorumque vocibus magis
 dicere , quam palpari creduntur .
 Qua de re quum hic Neapoli
 pro jurium Paroeciæ meæ defenden-
 dorum necessitate moram facerem ,*
 al-



(1) *Lib. de amic. §. XXI.*

alterum, auscultabam, præclara
 facinora, alterum ardens in op-
 pressum quemque studium, omnes
 simul TUAM prædicare justiciam.
 Postea autem quum certo scirem,
 virum sapientem quidquid, licet
 quam minimum, perhumaniter es-
 se accepturum, TIBI hancmet,
 qualiscumque sit, inscribere ausus
 sum, atque post talem omnium
 consensum, quæ de TE ad Re-
 gni utilitatem nato præclara ipsa
 facinora prædicantur, eadem hic,
 palpum non obtundens, litteris
 consignavi. Etenim quæ Tu de
 invictissimi Regis nostri FERDI-
 NANDI IV. mandato pluribus in
 locis effecisti, clariora sunt, quam
 ut meis opus esset laudibus illu-
 strare. Ille certe quidem Tu es,
 qui sapientissimis consiliis Brut-
 tiorum salutis rationem in beni-

VI

gnissimi Regis animum, qui vere clementissimus est, ac Regni sui felicitatis amantissimus, induxisti. Ille Tu quoque es, cui eundem Augustum Regem nostrum Brundusini suam, suarumque rerum merito adpellant felicitatem; propterea quod, quum ejusdem mandata de rebus Brundusinis mirabilem in modum fueris executus, id præcipue opera TUA confectum est, ut ipsi in certam portus sui instaurationis spem venirent. Tu denique ille es, qui mira quidem ratione & Fiscum adaugere, simulque, ut par est, Populorum curare utilitates, & oppressos extollere, & oppressorem quemque pro legibus deprimere, & pauperibus diuque noctuque studes succurrere, quam qui maxime, sic ut nostri temporis dicaris boni publici cu-

rator, ac de viris studendo deditis optime meritis; eo quod doctrinis omnibus satis es, superque instructus. Omnino si Tuus in Religionem amor spectetur, nihil Tibi amabilius, nihil Tibi carius; si patientia in pauperum lamentationibus auscultandis, valde singularis est; si artis Diplomaticæ voluntas, studiumque mira cum attentione conjuncta, neminem Tibi præfero; si humaniorum literarum, ac quatuor artium, ut vocat Vossius, popularium scientia, Tu de communi omnium consensu cum primis comparandus es; si sacrorum canonum, legum, rei que politicæ peritia, Tu Jurisconsultus diceris eximius. Quod si Tu pro TUA modestia neque de Tuis, neque de Patris, Germanique, virorum doctissimorum præclarissimis, quibus apud Pium,

semperque Felicem Regem nostrum
 fungimini muneribus, summas ne
 ea quidem, qua decet observantia
 laudes non libenter velis audire;
 scito, me quidem taciturnum, atque
 nihil hac de re memoriae tradi-
 turum. Sed si ego silentium ob-
 servo, ipsa quidem & honoris,
 & dignitatis munera, ipsi libri
 in lucem editi, ipsa denique cum
 civium, tum exterarum nationum
 testimonia TE, TUOSQUE ma-
 ximopere laudibus prosequuntur,
 efficientque ære perenniores. Quid
 igitur amplius verbis opus est?
 Ego vero re quidem taceo; tamen
 Tu pro Tuo munere, optime
 Nicolæe, Parocho nimis, vereque
 oppresso succurre; & hunc meum,
 licet quam minimum, accipe per-
 humaniter laborem, sicque in Tua
 tutela nullam timeo malevolorum
 censuram; quam scio non defu-
 turam esse.

J. U.

U. J. D. D. Carminus Fimianus in hac Regia Studiorum Universitate Professor Primarius revideat autographum enuntiati operis, cui subscribat ad finem revidendi ante publicationem, num exemplaria imprimenda contordant ad formam Regalium ordinum, & in scriptis referat; potissimum si quidquam in eo occurrat, quod Regiis juribus, bonisque moribus adversetur. Ac pro executione Regalium ordinum idem revisor cum sua relatione ad nos directe transmittat etiam autographum ad finem &c.

Neapoli die 6. mensis Februarii 1790.

F. ALB. ARCHIEP. REGINUS C. M.

S. R. M.

JUssu tuo, Rex Augustissime, Dominici Feudalii diatribam de episcoporum potestate in paroeciis dividendis; novisque adiscandis, sedulo percurri. In ea auctor paroeciae, cui praest, jura sacra tecta, uti nimirum bonum pastorem & decet, & oportet, pro virili sua vindicaturus, postquam multa scite de episcopali auctoritate, & paroeciarum origine consignasset, luculenter ostendit, paroecialium ecclesiarum dissociationem, qua ex una dux sunt, canonibus constanter interdici, nec nisi urgente ipsius ecclesiae necessitate, utilitateque, legitima auctoritate, & ratione, quandoque permitti; ne status ecclesiarum rite constitutus non sine fidelium scandalo & detrimento inturbetur. Quum autem nihil in illa offenderim, a quo Regio-jurimorumque integritati quoquo modo sit metuendum, in publicam lucis pluram, modo per Majestatem tuam liceat, evadere posse censeo.

Neapoli IV. Idus Februarii MDCCXC.

Carminus Fimianus

Die 2. mensis Martii 1790.

Viso Rescripto S. R. Majestatis sub die 5. currentis mensis, & anni, ac Relatione Dom.
D.

X

*D. Carmini Fimiani, de commissione Regii Capp.
M., ordine præfata Reg. Majest.*

*Regalis Camera S. Clara providet, & decernit,
atque mandat, quod imprimatur cum inserta for-
ma præsentis supplicis libelli, ac approbationis
dicti Dom. Revisoris; Verum non publicetur, nisi
per ipsum Revisorem facta iterum revisione as-
firmetur, quod concordat, servata forma Regalium
Ordinum; ac etiam in publicatione servetur Re-
gia Pragmatica: hoc suum*

PATRITIUS.

POTENZA.

Vidit Fiscus Reg. Cor.

*Illustri Marchio Citus Præses S. R. C. & ceteri
Ill. Aularum Præfecti tempore subscript. imp.*

Reg. fol. 1. 1790. Athanasius.

*Adm. Rev. Dom. D. Franciscus Rossi S. Th.
Professor revideat, & in scriptis referat.*

Die 14. Februarii 1790.

Joseph Rossi Can. Dep.

EMINENTISSIME PRINCEPS.

I*N libello, cui titulus: de episcoporum potestate in parocciis dividendis, novisque adificandis, Dominici Feudalii, parochi Iscandiatribus: nihil est, quod aut Catholicæ fidei, aut bonis moribus adversetur. Auctor enim ex factis canonibus, & veteri novaque ecclesiæ disciplina hanc Spartani & sana ac non vulgari doctrina, & mira in Ecclesiam tractat observantia; quo parocciæ suæ jura, item ut convenit, oportetque, verus pastor defendat. Quare, nisi secus Tibi videatur, typis committi eum posse censeo. Neapoli XI. Kalendas Martii 1790.*

Eminentię Tuæ.

Addictissimus, & obsequentissimus

Franciscus Rossi

*Attenta relatione Domini Revisoris imprimatur. Datum
hoc die 1. Februarii 1790.*

N. DE AMBROSIO V. G.

Joseph Rossi Can. Dep.

MONITUM.

NE mireris, velim, benigne lector, in tantis me rerum Ecclesiasticarum dissertationibus quam doctissimis hanc meam de Episcoporum potestate in Paroeciis dividendis, novisque ædificandis in lucem edere voluisse. Hæc quidem, ut ingenue fatear, nihil continet venustatis; ac si quid esset boni, procul dubio præ illis evanesceret, perinde atque stellæ, orto jam sole, parvum lumen amittunt. Haud scio vero, an tu in hacmet quid studeas quærere vanitatis: sed cave, hoc tibi in mentem veniat, laureolam me in mustaceo quærere; aliud enim atque aliud, quam tu, ceterique possitis sentire, maxime spectavi. Etenim nullus mei amor, crede mibi, nulla honoris humani sollicitudo, nulla me denique vanitas exstimulavit, quo brevem hanc meam in lucem ederem Diatribam; sed necessitas, juriumque Paroeciæ meæ defendendorum officium, quod me tum Neapolim venire,

tum

tum etiam ex varia Ecclesiae disciplina id, quidquid sit, opusculum haurire compulit. Non enim canonica necessitas, sed quorundam paucorum civium bonoris contentio Iscanam Paroeciam meam sane parvam, caussa pro legibus non cognita, Parocho in jus non vocato, curavit dividendam. Ego vero nolo Episcopi consilium mala mente, maloque animo expendere; quamvis multa essent argumenta, quae quidem multa multis suppeditant. Si enim ardens esset in animas studium, quo eandem ille divisit, satius certe fuisset Paroeciarum unitatem ceterorum suae Diœcesis oppidorum (1) dividere, quae majoris sunt extensionis, ibique, si vere sit canonica divisionis necessitas, plures instituere Parochos, quam Iscanam meam

præ-



(1) Hæc inter cetera sunt, oppidum Sancti Andreæ animarum 2100.: Cardinalis duobus abhinc annis carens pastore 2345.: Claravallis 2451.: Guardavallis 2918.: quæ oppida uno reguntur Parocho. Et quidem nulla ibi facta est divisio. At Iscæ flagitata est. Quis neget? tamen Episcopus non paucorum

ci-

præ illis sane parvam (1): quæ, ut ipse Episcopus scit, Pastori suo semper adhæsit, quam quæ maxime, præter quosdam paucos rerum novarum, honorisque contentionis, non ovium mearum salutis, suæque amatores; nulla ibi erat canonica divisionis necessitas: quæ quidem si esset, nequaquam restitissim. Parochus vero, audito divisionis rumore, (nulla cognita causa) se se ad Episcopum contulit; a quo pro sacris canonibus virum a delegacionibus, vulgo delegatum enixis precibus, effusis quoque lacrymis postulavit, qui novæ Parociæ inquireret necessitatem: sed frustra. O si Episcopi illius meminissent, quod Isidorus Pelusiota scripsit; aliter quidem sentirent, agerentque! Pelusiota episcopatus ipsius natura subnixus, sic officii sui monet (2) Episcopos: Opus hæc res



civium genium, sed canonum observantiam, & ne sine necessitate alter jure suo privetur, debet spectare.

(1) Animarum 1500. : nulla ibi pro canonibus urget necessitas.

(2) Epist. 216. lib. 3. pag. 342.

XIV

res est, vir optime, non ludus, atque animi oblectatio: cura, non luxus: MUNUS REFERENDIS RATIONIBUS OBNOXIUM, NON IMPERIUM AB OMNI CENSURA LIBERUM, ATQUE IMMUNE: paterna procuratio, non tyrannica licentia: dispensatoria præfectura, non ejusmodi potestas, quæ sub reddendarum rationum necessitatem minime cadat. *Sed si Episcopus sciret, Dioecesim suam sane vastam dividendam esse; dic, quaeso, quid faceret? Omnes quidem vias persequeretur, ne id fieret. Quare Poetam imitando, qui Mantuæ nullum pro libertate, reque sua, Romæ quidem omne auxilium, Cæsarem nempe Augustum invenit; hic & ego Cæsarem Regem nostrum invictum, semperque Pium FERDINANDUM IV. inveni; qui pro caritate in subditos, pro accurata legum custodia, pro tam claris exhibitis documentis per viros (1) a consiliis sapientissimos*



(1) Hi sunt Excellentissimus Ferdinandus Corradinus, Michæel Vecchionius, Grego-

mos jussit ex rerum veritate hac de re canonice inquire.

Noli autem putare, id in hac esse venustatis, quod in tantis est summorum virorum his de rebus dissertationibus; illud tantummodo habebis in probatis, quod quis fortasse Episcoporum sibi contra Ecclesiae mentem, Paroecias scilicet sine canonica necessitate dividendo, usurparet, Paroeciarum originem brevi describam, & quomodo in Paroeciis dividendis, novisque adificandis se recte semper gesserit Ecclesia, ob oculos ponam; quid hoc ipso pro re nata sanciverit; quæque ad id sit Episcoporum potestas. Tandem aliquando præcipua quædam mala, quibus utique scatet Paroeciarum

dis



gorius Bisognius, Gaspar Vanvitellus, Viri a consiliis Regiis tum pietate, tum scientia præditi; (in quibus & Fiscus adest Patronus Nicolaus Viventius) qui, re ad consilium adhibita, pro veritate jusserunt ex integro inquire. Nec enim dubitandum est, quin tanti Magistratus sint pro justitia, quam tempore colunt, sancituri.

divisio sine necessitate, habebis. Si quid vero peccatum, humanitati condonatum velim; libros enim, in quibus his de rebus agitur, non omnes in tam brevi temporis spatio habere potui. Te vero etiam atque etiam rogo, ne me vel parum Episcopis obsequiosum, vel quid in eos habere livoris malevolentiaque credere velis; ipsos enim quippe Apostolorum vereor successores: Sed hæc pro justa, atque necessaria Paroeciarum defensione, quæ nemini potest denegari, ex ipsis sacris canonibus, Ecclesiæ disciplina, regnique politia hausi, eorum nullum, ut par erat, offendendo. Quod si quid in quo peccetur, recordare, quod homines & ipsi Episcopi sint, sicque admiratione parcito. At Episcopis debet obediri: scimus & hoc: tamen illius memento, quod Apostolus scripsit (1): rationabile obsequium vestrum: quod alii clarius ex græco vertunt: rationalem cultum vestrum. Itaque ut cultus in Deum debet esse rationalis; ita cultus, atque obedientia in Episcopos. Vale.



(1) Rom. cap. 12. v. 2.




DE EPISCOPORUM POTESTATE

IN PAROECIIS DIVIDENDIS , NOVIS
QUE ÆDIFICANDIS.

C A P. I.

Qua potestate polleant Episcopi.

§. I.  Ego unus ignorat ,
quanta Episcopi do-
nati sint a Christo
potestate , quā sub uno
capite ; qui Apostolo-
rum Principi successor est , valeant
ejusdem gregem in omni doctrina rege-
re ,

2
re, atque gubernare. Grex vero iste a primis Ecclesiæ sæculis pro illa hominum multitudine, qui rem Christianam professi sunt, minor quidem fuit, quam ut oporteret, plures undique constituerentur Rectores, nec si vellent, constitui poterant, alter ab altero diversus. Quem sane gregem pro sua quisque eorum virili parte docebat, ex Redemptoris præceptis monebat, muniebatque Sacramentis. Aucto denique Populo Christiano, frigescente sensim sine sensu caritate, ita ut non omnes Ecclesiastici viri eandem animarum curam sine majori honore libenter ubique terrarum exercerent, opus fuit, non solum in iis, quas Episcopi regebant civitates, sed etiam in aliis vicis, pagisque pro recto Ecclesiæ regimine statuerentur Presbyteri, qui curam animarum haberent alteram ab altera distinctam: id, quod Ecclesiæ adimplebatur potestate. Hæc autem potestas, quippe quæ Apostolis ^{ἀποστόλοις} a Sanctissimo Servatore collata, sane quam eorum successoribus, qui sunt Epi-

3

Episcopi, merito convenit; quam si quis vel negare, vel in dubitationem vocare ausus fuerit, illud quidem Terentii de eo dici potest: *nodum in scirpo quæris*. Sed vero dubitandum non est, quin ea Paroeciæ dividendæ, novæque ædificandæ potestate, quæ sibi quoque ex instituto est, atque Ecclesiæ auctoritate, pro humanæ naturæ conditione & ipsi Episcopi quandoque abutantur, tum statutos terminos prætergrediendo, tum etiam sibi collatam potestatem in *dispotismum* per injuriam convertendo. Hinc factum est, ut Catholica Ecclesia semper a Spiritu Sancto ducta atque gubernata, ne Parochi eo, quod possident jus, spoliarentur, si Paroeciæ nulla *subsistente causa* dividerentur, hoc statuerit, ut pro certis quibusdam causis dividant illi Paroecias: quæ quidem causæ nisi essent veræ, per summum humanæ societatis dedecus alter ab altero jure suo privaretur; ut illius incommodo istius augeretur commodum. *Quod,*

A 2

ut

ut scripsit Cicero (1), magis est contra naturam, quam mors, quam paupertas, quam dolor, quam cetera, quæ possunt aut corpori accidere, aut rebus externis. Nam principio tollit convictum humanum, & societatem. Si enim sic erimus affecti, ut propter suum quisque emolumentum spoliet, aut violet alterum, disrupti necesse est eam, quæ maxime est secundum naturam, humani generis societatem. Nunc autem satius quidem est, me ex hoc extricare, quam multo plura differere. Sed hanc adgressurus provinciam, operæ me quidem pretium facturum puto, ac rem magis magisque illustraturum, si triplicem in regimine animarum Ecclesiæ disciplinam, a Christo nempe ad Constantinum, a Constantino ad Alexandrum III., ac denique ab Alexandro III. ad Concilium Tridentinum brevi describam.

Pa.



(1) Lib. III. de officiis n. 4.

5

*Paroeciarum origo: quid de ea sentiant
eruditi.*

§. II. Sunt, qui putant, Parochos, quippe qui Prælati dicuntur inferiores, a prima Christi institutione suam traxisse originem. Etenim quemadmodum Episcopi (non abs quidem re est, si hanc paucis tractem quæstionem) Apostolorum, ita Parochi LXX. Discipulorum reputati sunt successores: Gratianus enim scripsit (1): *Simplicitate vero majorum, & minorum Sacerdotum discretio in novo Testamento ab ipso Christo sumsit exordium, qui XII. Apostolos, tamquam majores sacerdotes, LXX. discipulos, tamquam minores sacerdotes instituit*: Illud quoque Lucæ (2) ad eosdem Parochos spectare adserunt: *Ite, ecce ego mitto vos, sicut agnos inter Lupos qui vos audit, me audit; qui vos spernit, me spernit*. Hac etiam de re scripsit pius Gersonius (3)

A 3

his



(1) *Dist. 22.* (2) *Cap. X.*

(3) *De potest. Ecclesiast. conf. 12.*

his verbis : *Domini curati sunt in Ecclesia minores Prælati, & Hierarchæ ex primaria institutione Christi, quibus competit ex statu jus prædicandi, & cet.* : quæ altera est ex duabus propositionibus, quas Parisiensis facultas ab oppugnatoribus (1) subscribi jussit, suas ipsi condemnando, quas & docebant, & sustineri volebant. Aliud autem, quam ab iis olim traditum est, sentiunt eruditi viri, in quibus Böhmerus (2), & Carminus Fimianus in Archigymnasio Regio Neapolitano canonum Primarius nunc Professor doctissimus. Multis ipsi ex veteribus Ecclesiæ monumentis probatum dederunt, ante tria ipsius priora sæcula, nullas fuisse Paroecias. Ego vero, qui minoris sum subsellii, tantis viris nec obistere ausim, nec si velim, audeam : nihilominus meam hac super



(1) Duo præcipui fuerunt, alter Joannes Ser-
rasinus ex S. Dominici, alter Joannes Gorel
ex S. Francisci Familia. Lege Thomasinum de
vet., & nov. Eccl. disc. de Parochis.

(2) De jure Paroch. sect. II. cap. II. §. XLVII.

per re opinionem palam facere velim. Constat enim, quamvis nullæ ante tria priora Ecclesiæ sæcula fuissent Paroeciæ; tamen neminem iturum esse inficias, tum Apostolorum, tum etiam eorum successorum tempore Presbyteros extare debuisse, qui animarum curæ pro tam magna fidelium multitudine vacarent. Etenim Böhmerus ipse (1) litteris consignavit: *Christiani nominis tanta vis, tanta virtus, & efficacia fuit, ut mox etiam vicos, & agros impleret, id, quod Plinius ut rem miratu dignam Trajano refert Jam Justinus Martyr in Dial. cum Tryphone Judæo pag. 345. suo tempore adfirmare ausus est, per totum orbem virtutem Divinam Christiani nominis penetrasse, ne unum quidem esse mortalium genus, ait, sive Græcorum, sive etiam aliorum omnium, quocumque appellarentur nomine; vel Hamaxobiorum, vel Nomadum domo carentium, vel in ten-*

A 4

to-



(1) Dissert. V. de Christianor. cat. in vicis & pagis §. III. pag. 298.


toriis viventium, & pecoribus vitam
 tolerantium, inter quos per nomen cru-
 cifixi Jesu supplicationes, & gratiarum
 actiones Patri, & Fabricatori rerum
 omnium non fiant. Si tam latissime,
 sequitur Böhmerus, patuit Christianum
 nomen, quid mirum, quod etiam in
 agris hæc Divina virtus se exeruerit?
 & cet. Quæ igitur quum ita sint, inge-
 nue fatendum est, Presbyteros illos,
 qui tribus prioribus Ecclesiæ sæculis
 ex Apostolorum, successorumque desti-
 natione curæ vacabant animarum, Pa-
 rochorum loco semper fuisse. Quod
 quidem *Parochi* vocabulum quamvis
 post Constantini tempora in re Chri-
 stiana auditum sit; tamen pro sacro
 ministerio, quo de Ecclesiæ potestate
 tunc temporisungebantur pro jure
 suo Presbyteri ad id muneris destinati,
 re quidem & illis satis bene quadrat.
 Nec vero res miratu digna est, *Para-*
ochi nomen antiquis inauditum esse: il-
 lis enim temporibus in Christianos
 quam maxime sævitum est; qui pro-
 pter Gentium furorem nec in publi-
 cum

9
cum cætum coalescere poterant, sed in
cryptis latere oportebat; ac propterea
nullus Paroeciarum ambitus distinctus,
nulla fuit animarum cura altera ab
altera diversa, perinde ac Dioecesum
nulla tunc temporis divisio fuit; sed
omnes pro eâ, quæ sibi inerat, carita-
te omnibus ubique fidelibus de rebus
spiritalibus succurrebant. Sed si Paro-
chorum nomen primis Ecclesiæ sæcu-
lis nullum fuit; tamen sacrum eorum
ministerium non deesse debebat.

*Episcopatus in Civitatibus, non in pa-
gis, vicisque fundati.*

§. III. Quum enim Apostoli, eo-
rumque deinde successores politiam rei-
publicæ merito sectando, in civitati-
bus, ubi magis & idololatria florebat,
& vitia, non in pagis, vicisque E-
piscopatus fundassent, ut ex historia
Ecclesiæ clare patet, opus sane erat
tunc temporis, ut in illis locis, unde
quam longe plerumque distabant Epi-
scopi, qui pro longo itinere ne per
Diaconos quidem sacram Synaxim mit-
tere

tere valebant vel die Dominico, esset certe Presbyter, qui Sacramenta, quæ post pacem Ecclesiæ redditam Parochorum est, conficeret. At Böhmerus (1) scripsit: *Hic, Clemens Pontifex Romanus, ingenue fatetur, Apostolos in agris quoque constituisse Episcopos, & Diaconos*. Sed huic erudito viro responderi potest, inter Episcopos, Diaconosque medios stetisse Presbyteros; quum in Ecclesia tres ordinem constituent, Episcopi nempe, Presbyteri, & Diaconi. Quare sub rō *Episcopos* necesse quidem est, Presbyteri intelligantur; quod ex Apostolo (2) magis, magisque patet: *Attendite*, inquit, *vobis, & universo gregi, in quo vos Spiritus Sanctus posuit Episcopos regere Ecclesiam Dei*: ex quibus quidem verbis hæc doctissimus Espenius (3) infert:



(1) *Citata dissert. V. §. IV.*

(2) *Act. 20.*

(3) *Par. I. Tit. III. cap. I. n. VI.*

fert : *Licet enim solo Episcoporum nomine utatur ; nihilominus & ad Presbyteros gregem Christi pascentes loquitur ; eo quod nomine Episcoporum exphra- si ejus atatis & Presbyteri significaban- tur .* Quod & notavit jam pridem S. Irenæus (1) *In Mileto*, Paulus inquit, convocatis Episcopis , & Presbyteris , qui erant ab Epheso , & reliquis pro- ximis civitatibus ; utrumque enim nomen habebant illo tempore . S. Hieronymus (2) quoque ait : *Episcopos hic non solum Pontifices , sed & Presbyteros intelli- gimus .* Ex quibus quam maxime cla- ris monimentis vel intelligi potest , Clementem Romanum Pontificem sub Episcoporum nomine Presbyteros intellexisse . Hoc igitur oportet fateri, ut , quum nulli in pagis , vicisque fuerint Episcopatus fundati , Presbyte- ri , qui hodie Parochorum , Rectorum-
que



(1) *Lib. 3. contra hereses cap. 14. n. II.*

(2) *In epist. ad Titum cap. I. v. 7.*

que nomine donati sunt, curæ vacaverint animarum.

C. A. P. II.

Ecclesia pacem adeptæ, Paroeciæ distinguere ceperunt.

§. I. **S**ED ad propositum veniam; quumque quid de Paroeciærum origine ad Constantinum usque senserint eruditi viri, quoad ejus fieri potuit, mea quidem sententia explicuerim, ad ea tempora devenio, quibus de Paroeciis ne hæretici quidem dubitarunt. Omnino quum Ecclesia per Constantinum Magnum pacem nata fuerit, ita ut quocumque Romani imperii exierit Divina Evangelicæ prædicationis tuba, templa, falso Deorum cultu contempto, ubique construenda curatum sit, Gentes ad Religionem Christianam, idolis destructis, manifeste, ac turmatim cucurrerint, necesse quidem tunc fuit, ut cuique pago, vicoque, magnarum præsertim ci-

civitatum suus Presbyter pro re nata destinaretur; qui quum totius Paroeciæ curam ageret spiritalem, *Parochus*, seu *Presbyter Parochianus* dictus est: & quod Populus eum quippe proprium pastorem suum et venerari, & audire debebat; propterea a sanctis canonibus proprius *Sacerdos* nuncupatus est. Sed quamvis quarto Ecclesiæ sæculo ceperint erigi distinctæ Paroeciæ; tamen neque statim ubique terrarum orbis Christiani, neque eodem tempore factum est. Quod vero rerum Ecclesiasticarum scriptores de distincto Paroeciarum ambitu dixerint, id quidem est, quod solum ex S. Athanasii verbis habetur (1): *Maræotes*, inquit, *ager est Alexandria, quo in loco numquam Episcopus fuit, imo nec Chorepiscopus quidem, sed universæ ejus Ecclesiæ Episcopo Alexandrino subjacent, ita tamen, ut singuli pagi suos Presbyteros habeant.*

Ex



(1) *Apolog. 2.*

Ex qua quidem auctoritate licet inferri, Paroeciarum distinctionem Alexandriae primum factam esse; illinc vero ad ceteras Christiani orbis partes extendi capisse. Hoc quoque testatur S. Epiphanius (1), de Alexandrina civitate hæc tradens: *Nam unicuique Ecclesie, quæ tum multæ erant, hodie vero plures sunt, suus adtribuebatur presbyter: nec non (2) hæc scripsit: Quotquot Alexandriae catholicæ communionis ecclesie sunt, uni Archiepiscopo subiectæ sunt, cuique præpositus est presbyter, qui Ecclesiastica munera iis administret, qui circa Ecclesias illas habitant.*

Ex



(1) Hæres. 68. n. 4.

(2) Hæres. 69. n. 1.

15

*Ex hac Paroeciarum distinctione multi
canones extiterunt. Eorum occasio
describitur.*

§. II. Sed quo uberiores fructus ex hacmet Paroeciarum distinctione propter singularem cuiusque Paroeciæ curam; propterea quod suum quæque ovīs cognosceret pastorem, eo periculosiores, acrioresque ortæ sunt controversiæ, ita ut Catholica Ecclesia plures hac de re canones sanciverit. Sed quores melius intelligatur, a principio narranda est. Limitibus itaque cuique Paroeciæ pro re nata præscriptis, cæpit *proprius Sacerdos* fastidio esse filiis, adeo ut suam nihili putantes Paroeciam, tum ad Sacramenta recipienda, tum ad Missam, verbumque Dei audiendum, ut par erat, alias atque alias vanitatis studio, non vero pietatis amore, festis præsertim diebus lustrabant. Hac rerum confusione alterius Paroecia jam suis orbata, alterius filiis repleri cernebatur. Tunc enim vero Presbyteri ecclesiarum pastores sane quam
pro

pro eo, ac debebant, queri caperunt; eorum quisque suos monebat, arguebat, increpabat. Tot denique perturbationibus commota provida mater Ecclesia (1), fancivit, ne in alienam Ecclesiam ullo modo reciperentur, sed omnino ire cogantur *in suas ipsorum Paroecias*; ut ita suam quisque Paroeciam, & Sacramenta recepturus, & Dei verbum a proprio pastore auditurus, festis præsertim diebus lustraret. Immo in eodem Concilio Nicæno (2) illam Patres sustulerunt consuetudinem, qua inductum fuisse videtur, ut de civitate in civitatem Episcopi, Presbyteri, Diaconique transirent; simulque præcipitur, ut Ecclesiæ suæ restitueretur, cui Episcopus, vel Presbyter ordinatus fuerit (3).

Au-



(1) *In Conc. Nic. Can. XVI.*

(2) *Can. 15.*

(3) *Böhmer. de jure Paroch. sect. II. cap. II. §. XLVI.*

Aucto pagorum populo, propter difficultatem Paroeciae jussæ sunt dividi.

§. III. Interea autem temporis, factis aucto pagorum, vicorumque populo, atque prolato etiam civitatum pomario, sic ut fideles sine magna difficultate non possent propriam Paroeciam adire, cæperunt Summum Pontificem Romanum postulare, ut veterem dividendo, novam juberet erigi Paroeciam; ne quid de re spiritali pateretur detrimenti. Quo factum est, ut Alexander III. Pont. Maximus ad Rogerium Eboracensem Archiepiscopum rescribens, hac de re statuerit his verbis: (1).

Ad audientiam nostram noveris pervenisse, quod villa, quæ dicitur H. tantum perhibetur ab Ecclesia Parochiali distare, ut tempore hyemali, quum

B

plu-



(1) *Lib. 3. decret. de Eccl. edific. cap. 3.*

pluviae inundant, non possint Parochiani sine magna difficultate ipsam adire; unde non valent congruo tempore Ecclesiasticis interesse officiis. Quia igitur dicta ecclesia ita dicitur redditibus abundare, quod præter illius villæ proventus minister illius convenientem valet sustentationem habere, mandamus, si res ita se habet, Ecclesiam ibi ædifices, & in ea Sacerdotem, sublato appellationis obstaculo, ad præsentationem Rectoris Ecclesiæ majoris cum canonico fundatoris assensu instituas, ad sustentationem ejusdem villæ obventiones Ecclesiasticas percepturum; providens tamen, ut competens in ea honor pro facultate loci matriæ servetur: quod fieri posse videtur, quum ejusdem villæ dominus viginti arras terræ frugiferæ velit ad usus Sacerdotis conferre. Si vero persona matriæ Ecclesiæ virum idoneum præsentare distulerit, vel opus illud voluerit impedire, tu nihilominus facias idem opus ad perfectionem deduci, & virum bonum, appellationis cessante diffugio, instituere non omittas.


Hujus vero constitutionis ratione ad Concilium usque Tridentinum dividebantur, *si ita se res habebat*, Paroeciæ. Ex qua quidem constitutione tum Glossa, tum etiam canonici juris periti inferebant, opus esse ad Paroeciarum divisionem Pontificis auctoritate.

Episcopi ex hac constitutione, Paroecias invito Rectore sine Papæ facultate non poterant dividere ante Tridentinum.

§. IV. Sed, quo hæc res magis magisque elucescat, operæ quidem pretium est ea describere, quæ litteris consignavit celeberrimus Fagnanus (1) : *Verum gloss. ult. in c. 2. 99. dist. sentit, hoc fieri non posse, invito Rectore, nisi per Papam, vel de illius mandato, prout hoc factum fuit. Idem tenet gloss. in verb. Obventiones, dicens, hoc*

B 2

Pon.



(1) In librum III. decretal. de Eccles. edific. cap. Ad audientiam.

Pontificem fecisse de plenitudine potestatis propter animarum periculum, quod imminebat, & quia præter proventus illius villæ Rector matricis Ecclesiæ poterat competenter sustentari. Sed Episcopus hoc facere non posset, nisi de consensu Rectoris matricis Ecclesiæ, ut cap. Ecclesiæ, & cap. Quicumque 16. qu. 1.; quia non potest iura illius Ecclesiæ dare alteri. c. 1. de reb. Eccl. non alien. & arg. c. Constitutum, & c. Præcipimus §. Si duo ead. caus., & qu. Quapropter dicebat hic removeri appellationem, quia fit ex mandato Papæ; sed si fieret ab Episcopo, liceret appellare, ut refert Card. in 4. notab.


C A P. III.

*Quid Patres Concilii de Paroeciarum
divisione senserint, brevi
exponitur.*

§. I. **N**unc venio ad Tridentinum
Concilium, quæ regula qui-
dem est Catholicæ Ecclesiæ non solum
in doctrina, sed etiam in disciplina.
In primis autem plurimum juvat ea
hic referre, quæ historicus Pallavici-
nus hac de re scripsit (1): *Quod ve-
ro, inquit, de hoc articulo lego, (de
Paroeciarum scilicet divisione) id pri-
mum in Patrum Concilii animo versa-
batur, ut locorum Ordinariis potestas da-
retur novas Parochias erigendi, cognita
tamen causa.* Sed inter Germanos Pa-
tres, Hispanosque multum hoc de ar-
ticulo disputatum est. Illi volebant,

B 3

ut



(1) *Hist. Conc. lib. XVII. cap. X. n. 3.*

ut de *Capituli* consilio, isti autem, ut solus Episcopus, si urgeret necessitas, Paroecias divideret, alteram ab altera diversam erigendo. Tandem aliquando vicerunt Hispani; atque de communi omnium consensu hoc decretum statuerunt (1).

Episcopi etiam tamquam Apostolica Sedis delegati in omnibus Ecclesiis Parochialibus, vel baptismalibus, in quibus populus ita numerosus sit, ut unus Rector non possit sufficere Ecclesiasticis Sacramentis ministrandis, & cultui Divino peragendo; cogant Rectores, vel alios, ad quos pertinet, sibi tot Sacerdotes ad hoc munus adjungere, quot sufficiant ad Sacramenta exhibenda, & cultum divinum celebrandum. In iis vero, in quibus ob locorum distantiam, sive difficultatem parochiani sine magno incommodo ad percipienda Sacramenta, & divina officia accedere non poss-



(1) Sess. XXI. cap. 4.


possunt, novas Parochias, etiam invitis
Rectoribus, juxta formam constitutionis
Alexandri III., quæ incipit: Ad audien-
tiam, & cet.

Præcipuus hujus canonis finis ru-
sticorum fuerunt mappalia.

§. II. Non abs quidem re est id,
quod de novarum Paroeciarum consti-
tutione scripsit Ludovicus Thomasi-
nus (1): Quum videlicet latissime, in-
quit, protenduntur fines alicujus Pa-
rochiæ, longiusque ab Ecclesia Parochiali
distant rusticorum mappalia quædam,
potest Episcopus alteram ibi constituere
Ecclesiam, & novam ibi constituere
Parochum, quem prior Parochus præsen-
taverit. Ex quo id inferri potest, ca-
nonum mentem ad rusticorum præser-
tim mappalia, quæ rustici ad formam,

B 4

&



(1) De Vet. & nov. Eccl. disc. Part. I.
lib. II. cap. XXVI. n. X.

& speciem quamdam pagorum construxerunt, certe quidem spectasse. Quam sit hujus decreti ratio & pietati consona, & societati, quo S. Mater Ecclesia, ne quid filiis suis accideret detrimenti, sapientissime consuluit, difficile dictu est.

Episcopi novam Parœciam, veterem dividendo, non Œconomiam independentem possunt constituere.

§.III. Hic animadvertendum est, nullam habere Episcopos potestatem vulgo *Œconomix independentis* a veteri Parocho constituendæ, tum si vetus, & nova Ecclesiæ disciplina, tum si Alexandri constitutio, ac Tridentinum spectetur decretum. Nam quum Paroeciæ urgeat divisio propter animarum periculum, (quod ex *distántia*, & *magno incommodo* debet Episcopus metiri, non ex *cerebrosis flagitantium curis*) eandem oportet perficere divisionem, novumque Parochum alterum ab altero distinctum pro sacris Ecclesiæ canonibus con-

ritate Episcopi temporalia Ecclesiæ omnia administrasse, cujus etiam domus specialiter æconomus, & præfectus erat. O utinam & in episcopis hi veteres co sensu Œconomi hisce temporibus essent! Satis quidem fieret & pauperum egestati, & honesto Ecclesiasticorum.

Vera necessitas exigit Paroeciarum divisionem, non sola Episcoporum voluntas.

§. IV. Hoc vero decretum debet esse regula Episcopis, ut in novas Paroeciarum divisiones inoffenso pede incedant: hanc sane regulam qui secuti sunt, non quæ sua, sed quæ Jesu Christi sunt, mirandum in modum, ut par est, quærunt: nec enim sibi vitio tribui potest, quod fatis superque in suis Capitularibus (1) scripsit Carolus Calvus: *Ut Episcopi, ait, Parochias presbyterorum per*
in-



(1) Tit. 5. Cap. 7. ad Tolosam.

inhonestum, & periculosum lucrum non dividant. Sed si necessitas populi exegerit, ut plures fiant Ecclesie, aut statuatur altaria; cum ratione, & auctoritate hoc faciant. Scilicet ut si longitudo, aut periculum aquae, vel silvæ, aut alicujus certæ rationis, vel necessitatis causa poposcerit, ut populus, & sexus infirmior, mulierum videlicet, vel infantum, aut etiam debiliū imbecillitas ad ecclesiam principalem non possit occurrere, & est sic longe villa, ut presbyter illuc sine periculo ad tempus, & congrue non possit venire, statuatur altare; & si ita populo complacet, & commodum fuerit, ne sine ratione scandalizetur, Parochia maneat indivisa. Sin autem præfata causæ postulaverint, & populus non conductus, neque cupiditate, vel invidia excitatus, sed rationabiliter, adclamaverit, ut ecclesia illis fieri, & presbyter debeat ordinari, hoc Episcopi episcopaliter, teste Deo, in conscientie puritate, cum ratione, & auctoritate, sine intentione turpis lucri, mature consilio canonica

tra-

*tractent & utilitati, ac saluti subiecta
plebis quaque agenda sunt, peragant,
& cet.*

*Ecclesia sine necessitate numquam Pa-
roeciarum divisionem adprobat.*

§. V. Tanti vero Paroeciarum uni-
tatem semper fecit Catholica Ecclesia,
ut sine vera canonica necessitate, quæ
alteram ab altera distinctam pro ani-
marum salute exigit Paroeciam, num-
quam veteris *dismembrationem* adpro-
barit, atque adeo Episcopos suorum
temporum, qui sine ea necessitate Pa-
roecias dividebant, ita increparit Zo-
simus (1), ad Isichium scribens: *Fe-
cit hoc nimia remissio consacerdotum no-
strorum, qui pompam multitudinis quæ-
runt, & putant ex hac turba aliquid
sibi dignitatis adquiri. Hinc passim nu-
merosa popularitas, etiam his locis, ubi*
so-



(1) *Epist. I.*


solitudo est, talium reperitur, dum Parochias extendi cupiunt, aut quibus aliud præstare non possunt, Divinos ordines largiuntur.

Causæ dividendæ Paroeciæ adferuntur.

§.VI. Hinc, ne & Paroecialia jura conculcentur, & in dividendis Paroeciis Episcoporum adpareat *dispotismus*, sapientissime ab Ecclesia consultum est, ut, *si res ita se habet*, i. e. si vera dividendæ Paroeciæ extat necessitas, Episcopi causâ cognita, eandem dividant. Ex Alexandrina vero constitutione, quam sibi adoptat Concilium Tridentinum, præcipuas novæ Paroeciæ constitutendæ causas inferunt juris canonici periti, in quibus Fagnanus est.

1. Si torrens, aut flumen intercedant, quæ nec pontem habent, nec vado transiri possunt (1).

2.



(1) *Leg. Flumine interveniente ff. de serv. rust. præd.*

2. Portæ civitatis clausæ, ita ut aliquæ familiæ extra ipsius ambitum remanserint.


3. Necessitas leproforum.

4. Distantia loci.

Ex quibus inferri licet, unam esse novæ erigendæ, veterisque dividendæ causam, magnam nempe difficultatem, seu, ut loquitur Concilium, magnum incommodum ad matricem ecclesiam, hyemali præsertim tempore pro re spiritali accedendi. Quæ omnia in unum collecta, unum quidem constituunt, quæ ab ipsius juris canonici peritis dicitur *justa causa*: quæ sine dubio, ut Fagnanus cap. *Ad audientiam* adserit, tunc quippe *justa* habenda est, quum *constet legitime*, & dummodo, ut Lucius Ferraris refert, omnes causæ *collectivæ* sumantur. Ergo, concludit Fagnanus ipse, *caussa subsistente, eaque probata, & non alias permittitur erectio.*

*Nova Paroecia per dismembrationem sine
justa causa summam injuriam
adfert Parocho veteri.*

§. VII. Nec vero minoris sunt momenti, quæ Böhmerus (1) de Paroeciarum dismembratione verba faciens, scripsit: *Hæc casu tamen merito requiritur justa causa, ne scilicet erigatur nova Paroecia in præjudicium veteris Paroeci, & illi absque causa populus subtrahatur; vel si parochorum interesse non adeo attendendum esse videatur; ex alia ratione tamen ad dismembrationem non est deveniendum; quia hæc quamdam alienationem continet, quæ sine justa causa suscipi nequit (2). Immo quia regulariter prohibita est, hinc sine justa causa suscipi nequit (3). Gen-*



(1) *De jure Paroch. sect. III. cap. III. §. IX.*

(2) Jo: Baptista Turriceilius de benef. unione cap. 7. n. 8. Laurenus de for. benef. III. q. 949. Card. De Luca tom. III. ibeatr. verit., & just. de regal. disc. 5. n. 4.

(3) C. 3. X. De Eccl. edif.

neraliter, sequitur Böhmerus, causa debet esse rationabilis; alias non facile admittitur, & quia quamdam alienationem involvit, hinc eadem in hac dismembratione requiruntur sollemnitates, quæ alias in alienatione rerum Ecclesiæ (1).

Paroeciæ dismembratio facta, causa non cognita, nullius est momenti.

§. VIII. Quæ quum ita sint, si Episcopus, causa non cognita, Paroecias arbitrato suo divideret, nullius momenti esset divisio, ita ut non sufficiat assertio ipsius Episcopi, dismembrationem facientis (2). In terminis, inquit (3) dismembrationis assertionibus



(1) Barbosa de offic., & potest. Episc. p. 3. alleg. 67. n. 16. Turricellius cit. l. n. 9.

(2) Cardinalis de Luca disc. 43. de benef. n. 6.

(3) Et disc. 14. n. II. de benef.

bus Ordinariorum non sit deferendum absque justificatione . Quod quidem magis exemplo, quam auctoritate patet. Ea enim est humanæ naturæ conditio, ut quod sibi placet, id procul dubio maxime bonum sit. Fingamus igitur, Episcopum sua fretum auctoritate velle Paroeciam A. dividere, alteram construendam curando; tamen caussa neque cognita, neque probata, neque iis, quorum interest, auditis, (quod nec in mentem venire debet) & apud Tribunalia suprema canonicam adseruisse necessitatem divisionis. Nonne satis cuique esse debeat, hanc necessitatem ab Episcopo, qui Parochus dicitur Parochorum, esse isto modo cognitam? Ah! minime gentium. At enim Episcopus est; immo Apostolus, cui quidem fides præstanda est, quam cui maxime. Scimus & hoc; tamen quum nihil humani ab Episcopo alienum putandum sit, quumque ipsa veritas Episcopis quidem, (non sancto Episcoporum characteri) maximopere præstet; Episcopis necessitatem alterius

C

Pa.

Parœciæ adferentibus deferendum non esse, ut scripsit De Luca, certius est, quam ut aliis argumentis opus sit, nisi *constet legitime*. Episcopos vero esse Apostolos, ac propterea sanctos faterentur omnes; tamen operibus, virtutibusque, non solo gloriantur Apostolorum nomine, velit Ecclesia; quamvis eorum sanctitas pro Divina institutione nec in dubium vocanda sit.

Mutuus amor inter Episcopos, & Subditos; qui haberi nequit, si Episcopi res forte agunt.

§.IX. Certum autem est, tanti esse debere plebi Christianæ suum cuique Episcopum, quippe qui pater, & doctor est, quanti & veteris Ecclesiæ fidelibus erant Apostoli, qui tantum exigebant pro sanctæ suæ vitæ ratione obsequium, quantum eorumdem Apostolica dignitas merito postulabat. Hanc quidem rem qui vel Divina oracula, vel antiquitatem consulere velit, hic indubiam debet adferere. Sed quisnam potest dubitare, quin

quin Episcopi propter eam, quæ inter patres, & filios est, relationem, subditos quippe filios amore prosequi debeant? Nisi vero eas habent dotes, quibus Apostolus vult ipsos ornatos, mutuus inter se, se amor nequit haberi. Ex quo quidem fit, ut Episcopi in rebus agendis, in Parœciis præsertim dividendis, adhibito prius prudenti virorum doctissimorum, non pessimo quorundam palponum consilio, non paucorum genium sequi, sed quod justum, quod sanctum, quod pro sacris canonibus utile, ac necessarium est, hoc pro suo jure facere debeant. Ita inter eos mutuus amor, vera pietas, immaculata religio. Quod si fidelis Christi grex parumpèr de Episcopi pastoris sui regimine cæperit ambigere, virtutisne amore fiat, an gravi cupiditatis impulsu, ac pro ingenio id, quod ex ejus scatet agendi ratione; væ misero gregi! Lupus inter agnos. Quapropter merito S. Gregorius Papa ad Joannem civitatis Ravennæ Episcopum ita lit-

teras dedit (1). *Tantum debet actionem populi actio transcendere Præsulis, quantum distare solet a grege vita pastoris. Oportet namque, ut metiri sollicitè studeat, quanta tenendæ rectitudinis necessitate constringitur, sub cuius æstimatione populus grex vocatur. Sit Episcopus ergo necesse est cogitatione mundus, actione præcipuus, discretus in silentio, in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vitia per zelum iustitiæ erectus. Quid plura? Oportet, clamat Apostolus (2), Episcopum irreprehensibilem esse.*

Ep̃-



(1) *Lib. Regul. Pastor. par. 2. Cap. I.*

(2) *Epistol. ad Titum cap. I.*

*Episcopi non possunt plus sibi potestatis
adsumere, quam Concilium eis per-
mittit in Parœciis dividendis.*

§. X. Quid vero potestatis Episcopis
in Parœciis dividendis sit, novisque eri-
gendis, vel ex ipsius Concilii ver-
bis intelligi potest. Operæ igitur pre-
mium est, quid, & quomodo hac de
re sanciverit Concilium Tridentinum,
attentius animadvertere. Duo qui-
dem statuit remedia; quorum alterum
est: *In omnibus Ecclesiis Parochialibus,
vel baptisimalibus, in quibus populus ita
numerosus sit, ut unus Rector non possit
sufficere Ecclesiasticis Sacramentis mi-
nistrandis, & cultui Divino peragendo,
cogant (Episcopi) Rectores, vel alios,
ad quos pertinet, sibi tot sacerdotes ad
hoc munus adjungere, quot sufficiant ad
Sacramenta exhibenda, & cultum Di-
vinum celebrandum.* Tanta est hujus
decreti vis, ut pro re natâ ipsum
ad verbum exequi debeant: nec
enim eo possunt aliter uti, quam hic

Patres illi sapientissimi statuerunt, licet quam maxime numerosus sit populus: nec Episcopi tum pietate, tum doctrina præditi propter plurimum animarum numerum Paroecias umquam curarunt dividendas; sed hoc Tridentini remedio prudenter usi, plures sacerdotes, qui communi hodie œconomorum vocabulo donantur, *ad hoc munus adjunxerunt*. In quibus sane Episcopis non est silentio prætereundus doctissimus olim primarius in Archigymnasio canonum professor, postea Episcopus Muranus Carolus Gagliardus; qui, quum sacros canones satis bene calle-
ret, magno Muranæ Diœcesis ad septies hominum millia Oppido nomine *Sancti Felicis* in Lucania, duos adjunxit sacerdotes œconomorum nomine, ejusdem oppidi veteris Paroeciæ unitatem non dividens. Sciebat enim vir doctissimus, quid Concilii Congregatio, quid juris canonici periti hac de re senserint. *Omnino (1) congregatio Con-*



(1) Gallemart in decl. ad hoc caput, n. 1.

cilii censuit cap. 4. sess. 21. Episcopum in vim Concilii Tridentini non posse erigere coadjutoriam, sed utique cogere Rectorem ad adjungendum sibi tot sacerdotes, quot sufficiunt Ecclesiæ Sacramentis ministrandis. Neque enim Episcopo novam licet erigere Paroeciam, nisi & alia occurrunt, quæ Alexandrina exprimuntur constitutione: Ad audientiam. Adeo Paroeciarum unitatem adamavit Concilium, ut, quum animarum saluti, adjuncto sacerdotum ministerio, consuli possit, eam dividendi potestatem noluerit Episcopis concedi. Quoties enim, (1) scripsit Cardinalis De Luca, sola ratio excreti populi vel incommoditatis itineris in aliquibus anni temporibus urgeat adhuc absque necessitate procedendi ad hanc dismembrationem, seu divisionem, quæ alienationem

C 4

re-



pag. 140. super verbis: *Ut unus Rector non possit sufficere.*

(1) *Disce. 16. num. 3.*

redolet ; ideoque regulariter prohibita est , recte consuli potest cum destinatione unius , vel plurium ecclesiarum non diminuta Ecclesiæ Parochialis unitate ; ac maiestate tam circa numerum clericorum , & inservientium , quam circa populi maiorem concursum , in aliquibus præsertim maioribus anni sollemnitatibus , dum cum præfato remedio recte consultum remanet , idemque obtinetur finis , vel resultat effectus . Quid clarius , quid iustius , quid maturius pro animarum salute ? Sic in veteri Ecclesiæ disciplina , sic in Concilio statutum est . Quod & Lucius Ferraris in verbo *dismembratio* scripsit quam clarissime : *Non permittitur tamen* (inquit) *dismembratio , supra dictis non obstantibus , quoties Parochianis distantibus consultum est per coadjutorem , qui possit Sacramenta ministrare in commodiori Ecclesia . Ricc. Praxis For. Eccles. resol. 486. n. 6. versu Limitatur par.I.*

Quod autem fuerunt quandoque Episcopi , qui potius augendi Parochiarum numeri gratia , quam Paroeciano-

rum

rum salute, Deique cultu, eo per-
 nerunt, ut propter numerosam civium
 multitudinem Paroecias curarint divi-
 dendas; propterea Ecclesia, quippe quæ
 soli animarum saluti cupit, ac debet con-
 sulere, numquam talem Paroeciarum divi-
 sionem adprobavit. Omnino quum *Epi-
 scopus* (1) *Neocastrensis* (scripsit *Lucius
 Ferraris* in verbo *dismembratio*) ad con-
 sulendum numerositati *Populi* divisisset
Parochiam, & duas portiones curatas
 aque principales constituisset, *Sacra Con-
 cilio* *Congregatio* die 15. Decembris 1703.
 declaravit, *dismembrationem*, seu divi-
 sionem in duas portiones curatas non su-
 stineri; & invalidum fuisse concursum,
 respondit. Hæc ibi.

Ca.



(1) *Nicolaus Cyrillus Neocastrensis Epi-
 scopus* electus die 7. Julii anno 1692., vi-
 xitque ad annum 1708., ut refert *Ughellus*
T. IX. Ital. Sac. pag. 412. in additione.

*Canonica Parœciarum divisio Episcopis
concessa, causa subsistente.*

§. XI. Quod vero accidit, ut vera sit quandoque divisionis causa, quam Populi Christiani salus suprema ac Divina Lex sit, ex qua, tamquam ex fonte suo manant & Ecclesiæ leges pro externa rerum cura, hoc statuit apertis verbis Concilium, quod alterum est remedium: *In iis vero Ecclesiis, in quibus ob locorum distantiam, sive difficultatem parochiani sine magno incommodo ad percipienda Sacramenta, & divina officia audienda accedere non possunt, novas Parochias, etiam invitis Rectoribus juxta formam constitutionis Alexandri III., quæ incipit: Ad audientiam, constituere possint.* Potestas quidem hæc quam maxime ampla est; tamen multis circumscripta limitibus. Quare non opus sane est, ut Episcopi satis nimis hujus decreti verbis adhærentes, tanta se jactent præditos potestate, ut sibi absolutum quiddam Parœciarum dividen-

dendarum jus adsumant, ita ut eorum stet pro ratione voluntas. Si enim ea verba, quæ tam amplam reipsa exhibent potestatem, attentius considerarent: *novas Paroecias etiam invitis Rectoribus constituere possint*; aliter quidem sentirent, ut plurimum quasi omnes Episcopi satis bene sentiunt, perinde, ac sentire debent.

Quid sibi velint ea verba, invitis Rectoribus,

§. XII. Etenim verba *invitis Rectoribus*, id pro certo sumunt, quamvis & periculum quandoque in re spiritali subsit animarum, ita ut vera, & canonica urgeat Paroeciæ dividendæ necessitas; tamen Ecclesiæ Rectorem sine ratione legibus obsistere, atque adeo impedire, quominus ad hoc deveniatur, ut propter veram animarum salutem nova erigatur Paroecia. Quod quum ita sit, ecquisnam non videt, eum Rectorem jure suo cadere, & Ecclesiam Catholicam, cui primo a Christo concredita fuit Fidelium cura

cura, hac in re totis viribus animarum salutis incumbere debere? Tunc enim vero, pertinaci Rectore, potest, atque adeo debet Ecclesia ipsa per Episcopum, ut jam statutum est, Paroeciam dividendam curare. Ex quibus clare intelligitur, eorum verborum sententiam nihil aliud significare, quam Rectoris pertinaciam post Episcopi paternam monita ad Paroeciam pro vera, canonicaque necessitate dividendam.

Ex naturæ lege nemo jure suo spoliandus, nisi cognita causa.

§. XIII. Quum autem possint Episcopi, *in vitis Rectoribus*, Paroecias dividere propter eorum pertinaciam; tamen, *subsistente* etiam pertinacia, ad hoc deveniri nequit, nisi citato pertinaci Rectore. Quod ut satis bene intelligatur, id præmittendum est. Legem nobis habemus, quæ & ipsa pro Philoſophorum lingua voluntas Divina licet adpellari, qua homo non institutus, sed

sed imbutus est. Hac quidem lege illud inter cetera sancitur: *neminem lædere; jus suum cuique tribuere*. Quade re neminem latere potest, Parochos, eo quod sibi ab Ecclesia regimen animarum collatum Parœciæ suæ est, inquam eorum quisque pro legibus immissus est, lædi in quoquam neque posse, neque iis, causâ non cognita, spoliari iuribus, quæ sibi ab Ecclesia sunt collata. Hinc factum est, ut si quando iustis de causis vera sit Parœciæ dividendæ necessitas, sapientissime statutum sit, ut, quo nova erigatur Parœcia, Rector prius Matricis citandus sit. Quapropter, ut refert Fagnanus (1), *Jam censuit Congregatio Concilii, ad erectionem novæ Parœciæ non esse aliter procedendum, quam citato Rectore Parochialis, intra cujus fines nova Parochia fuerit erigenda, & erectionem, omisso bujusmodi citatione, ab Ordinario factam;*



(1) In lib. III. Decretal. fol. 624.

Etiam, nullius momenti existere. Nec tantum Rectoris Ecclesiæ, sed etiam aliorum omnium, quorum interest, prærequiritur citatio. Malta quoque refert Lucius Ferraris, quæ non minoris sunt momenti, in verbo *Dismembratio*. In *Parochialis*, inquit, *dismembratione* requiritur *vocatio Rectoris*, vel ea vacante, *defensor ab Episcopo deputandus*, & *citatio Parochianorum*, aliorumque, quorum interest: cap. I. de rebus Eccl. non alienand. in 6. cap. I. ne sede vacante.

Hæc Episcoporum potestas non absoluta sed hypothetica est.

§. XIV. Ne vero Episcopi (si qui sunt, qui dicant; sic volo, sic jubeo.) hac abutantur facultate, maturius sibi animadvertendum est, eam quidem sibi met ab Ecclesia collatam potestatem non absolutam, sed hypotheticam esse. Concilium enim, ut vel ex ipsius decreti verbis intelligitur, Alexandrinam constitutionem sibi adoptavit his verbis:

bis : *Juxta formam constitutionis Alexandri III. quæ incipit : Ad audientiam.* Sed videndum est, quomodo de novis Parœciarum divisionibus summus Pontifex sanciverit. *Mandamus, inquit, quatenus, si res ita se habet, Ecclesiam ibi ædifices : &cet.* Clarior est hæc Pontificia hypothetica, vulgo *conditionalis* propositio, quam ut alia ulla egeat probatione. Pro logicis enim præceptis omnibus numeris absoluta propositio hæc hypothetica est. Quum igitur hoc ipso ita possit quisque argumentari : Possunt Episcopi Parœciarum unitatem dividere, si causæ sunt justæ atque canonicæ, i. e. si vera est dividendæ Parœciæ necessitas : Ergo, causâ non *subsistente*, nullam super Parœciarum divisione habent Episcopi facultatem : necessario inferendum est, eorum potestatem Parœciæ dividendæ non absolutam, sed hypotheticam esse. At Episcopi pro varia rerum disciplina, & vulgo *circumstantiis* possunt pro suo jure Parœcias dividere. Quid ni? Sed fatendum quoque est, ne isto qui-

quidem modo hac divisione posse Episcopos uti, nisi cognita tum disciplinæ, tum *circumstantiarum* causa, & vocato Matricis Ecclesiæ Rectore, ac Paroecianis, aliisque, quorum interest, citatis, ut paulo ante dictum est.

C A P. IV.

*Paroeciarum sine necessitate divisio
uberrima malorum seges.*

§. I. **P**ost hominum memoriam nullum vitium esse, quod corrupta eorum natura non efficit, ut virtus apud societatem adpareat singularis, atque adeo præclarissima, constat inter omnes. Satis quidem est præter quotidianam experientiam ea, quæ hac de re scripsit S. Joannes Chrysostomus, attentius legere. Hinc factum est, ut maledica hominis lingua, quo suas expleret cupiditates, conviciis virum honestum confectetur, summis vero laudibus malum hominem ornet. Haud scio vero, an malum tantum in omnibus sit, quæ con-

consequi cupit perversa hominum natura: sed in Paroeciarum divisione, quæ necessaria non est, idem sæpenumero comprobari, quam quod maxime, certum est. Quod plane non aliunde, quam a sacrorum canonum contemptu existit; quibus prudentia adhibitis, caritas procul dubio Paroeciarum divisionem postularet, non malevolorum quorundam flagitaret alterius damno honoris contentio. Quæ quum ita sint, operæ pretium videor factururus, ea mala paucis describere, quibus præcipue certo scatet non necessaria Paroeciarum divisio.

I. M A L U M

Bonorum virorum scandalum.

§. II. Id Apostoli in memoriam revocantes, quod Præceptor Divinus omnibus inculcavit: *Væ mundo a scandalis* (1); propterea quidquid docuerunt,

D

quid-



(1) *Matth. cap. XVIII. V. 7.*

quidquid scripserunt, quidquid denique locuti sunt, atque monuerunt, illud caritatem excitat, pietatem fovet, virtutem auget: quod & in successores pro re Christiana eorumque dignitate debet transire. Quum enim viri sæculares in suspensionem adducerentur, Parœcias ad quamdam pietatis speciem, atque honorem dividi, novasque constitui; cogitare hoc ipso, atque adéo obloqui, id Episcopos (quod qui bonus est vir ne cogitet quidem) non virtutis, atque gregis amore, sed potius cupiditatis vitio faciendum curare. Tantum igitur abest, ut Episcopi hac Parœciarum multitudine quid adferant utilitatis; quin potius corpus Christi mysticum maximo adficiatur detrimento, animarumque salutis ruina.

II. M A L U M

Falsitates multæ.

Quum autem voces Paroeciarum divisionis vulgo jactari incipiant, eo cives veniunt dementiæ, ut, divisis factionum partibus, in studia diversa modo pecudum ferantur. Interea autem temporis Populi pars vel mercede conductæ, vel genio perverso mota, atque corrupta, clamat, per quasdam falsitates, inventaque crimina in veterem, novum flagitat Parochum, veterem æque, ac Hebraei Samuelem, despuendo; donèc spes aliqua novæ Paroeciæ effulgeat.

III. M A L U M

Rumpitur caritatis vinculum.

Hinc inter Paroecianos ipsos manet alta mente repositum odium, alterius adversus alterum invidia, ita ut rum-

patur necesse sit caritatis vinculum ;
quod præcipuum in Evangelica lege
est . Etenim id docet (1) Apostolus :
caritas non agit perperam ,

IV. M A L U M

Languet pietas , inter cives discordia .

In parvis vero oppidis, divisa Paroecia unitate , clerus quasi nulli subiectus , nulla Paroeciarum frequentia ad verbum Dei , atque catecheses , sacrasque functiones ; quæ languent quidem tum ob divisam Presbyterorum paucitatem , tum ob paucorum interventum ; nulla denique inter cives concordia . Qua de re Cardinalis De-Luca (2) hoc litteris consignavit : *Frequens experientia docet , quod hujusmodi Ecclesiarum Parochialium duplicitas scissuras , & factionarias*
emu-



(1) I. ad Corin. Cap. 3.

(2) Disc. 16. n. 4.

*emulationes inter utriusque clerum,
& populum respectivo causare solet.*

V. M A L U M

*Se conviciis invicem proscindunt ; san-
cta non sancte tractantur .*

Ex iis igitur , quæ dicta sunt , cla-
re patet , factam Parœciæ divisionem,
quæ non a caritatis vinculo , unde ne-
cessitatem debet Episcopus dimetiri ,
sed a cerebrosa quorundam malevolo-
rum voluntate orta est , non solum
quæ descripsi mala efficere , sed eo
quoque perveniri calamitatis , ac pe-
tulantia , ut Sanctissimam Christi Re-
ligionem ad quasdam pietatis species
curent certatim redigendam , sic ut
conviciis se se invicem proscindant Pa-
rœciani , alter suam , suumque jaetan-
do , alterius Parœciam , Rectoremque
simul obstinate alter contemnat ; sanctæ
Ecclesiæ sollemnitates ex arbitratu vano-
rum sæculi hominum , injustaque ho-
noris contentione pendeant ; diversus

docendi catechismi modus valde magnam ingerat confusionem; sacrum ministerium nihili habeatur; vastentur denique Parœciales Ecclesiæ; ut Hieremias opus esset ad tantam deplorandam vastationem, dicens: *Quomodo sedet sola civitas plena populo!* Quod quidem ita esse, vel ex S. Athanasio intelligi potest (1), qui rectius putavit, populum in eundem locum ad sacras synaxes convenire propter eas, quas fusiori calamo scripsit rationes. Sed juvat, quod S. ipse Pater scripsit, id omne ad verbum describere: *Quid ergo rectius* (inquit) *putas particulatim, & dissociatim, una cum periculo elisionis populum Synaxes facere? an potius ut in locum omnium bene capacem conveniat, & unam eandemque sine dissonantia vocem reddat? Certe id rectius, cum id concordiam unanimis multitudinis ostendat, & Deum ad exaudiendum promtorem habeat. Nam si pro ipsius Salvatoris pacto in consensu duorum quodcum-*



(1) *Apol. ad Constantium Imperatorem.*

55

*umque petierint, fiet; quid igitur fu-
 turum, ubi ex tot. tantisque populis in
 unum congregatis, una vox respondeat
 acclamantium, Amen? Quis hoc
 ipsum non admiratione prosequatur? aut
 non inter felicia predicet? cum videat
 tantam multitudinem in unum locum
 convenire? Quid gaudii ibi ex mutua
 invicem conspectu, antea soliti in ad-
 versa loca dispertiri? Omnibus certe,
 præter unum calumniatorem hoc ipsum
 dolentem, incredibili lætitiæ fuit.*

VI. M A L U M

*Omnium malorum epitome Parochorum
 absentia propter injustam Paroecia-
 rum divisionem.*

Sed malum, quod malorum omnium
 summa dici potest, Pastorum est necessaria
 ab ovibus absentia; qui (ut sua interest)
 jura Ecclesiæ quisque suæ pro sacris
 canonibus defensuri, quum Paroeciæ
 divisio sine necessitate flagitatur, su-
 prema debent adire Tribunalia: atque

ita quando Parochi (quod facere deberent, scribo) curam omnem operamque ad ovium salutem, ad Sacramenta scilicet exhibenda, ad ignaros catechismum docendos, ad verbum Dei prædicandum, ad auxilium infirmis, pauperibus præsertim stipsis etiam erogatione, ad pietatem fovendam, ad errores prudentia corrigendos deberent conferre, prohi-dolor! aliis atque aliis negotiis distineri coacti, animum ad justitiam inveniendam, os quidem ad se defendendos, manus ad pecuniam hic illic erogandam, pedes ad Tribuna-lia lustranda inviti adjicere debent. Tanta mala fert Paroeciarum sine necessitate, sed ad quamdam pietatis speciem divisio. Faxit Deus, ut Episcopi meminerint, quod Apostolorum sint successores, & Parochi olim ab eorum essent consiliis. Sic Paroeciæ ad *ædificationem*, non ad *destructionem* divid-
rentur.

*Ecclesia tam grandia mala semper
curavit eliminanda; nec non
summi Imperantes.*

§. III. Quoadusque caritas *in cordi-
bus fidelium diffusa*, fructum ferebat,
ita ut cor unum, & anima una erant
tunc temporis Christiani, eo Fidelis
quisque contentus erat orationis ac
Sacramentorum administrationis lo-
co, quem destinabat Ecclesia. Sed
quum cæpit id inter eos adparere fer-
menti, divisionis nempe Paroeciarum,
Ecclesia ipsa præludium tantorum ma-
lorum compescuit, Paroecias sine neces-
sitate dividi numquam permittens, sic
ut summi quoque Imperantes Eccle-
siarum jura armis defenderent.

Rex Pipinus jura Ecclesiarum defendit:

§. IV. Ut enim ex annalibus Pi-
thœanis ad annum 760. patet, Pipi-
nus Rex justitias (jura nempe) Ec-
clesiarum Aquitanix a Waffario duce
ag-

armis dicitur vindicasse: Tunc Pipinus Rex cernens Waffarium ducem Aquitaniorum minime consentire, justitias Ecclesiarum partibus, quæ erant in Francia, consilium fecit cum Francis, ut iter ageret supradictas justitias quærendo in Aquitania.

Utriusque quoque Sicilia Reges hac de re canones volunt observari.

§. V. Id vero, quod hac in re præcipuum est, utriusque Sicilia Reges, si quandoque Parœciæ divisionem postularet necessitas, pro sacris canonibus fieri novam erectionem jusserunt; inque iis FERDINANDUS IV. Rex noster (quem Deus sospitet) invictus, semperque Pius numquam Parœciæ cujusque dividi permittit unitatem, nisi vera urgeat necessitas canonica, ut ex ipsius Regni politia intelligitur. Postea autem quis nescit, Regem aliis legibus canonibus non derogantem expressis verbis, se totum eisdem committere? Discant igitur vel ex hoc, qui Aposto-
lo.

lorum occupant locum, sacrorum canonum observantiam; nec sub pietatis, necessitatisve specie Paroeciarum unitatem dividant: ex quo quidem Parochorum jura turbantur, quum sibi persuasum esse debeat, res novas (nisi ulla urgeat divisionis necessitas) uberimam quidem esse malorum, atque perturbationum segetem, veræque pietatis excidium.

Honoris, & paucorum civium majoris commodi causa Paroecia numquam dividenda est.

§. VI. Nec vero audiendi sunt, qui vel ignorantiae causa, vel perversa voluntate in bonum publicum boni publici specie malis artibus student pro virili parte Paroeciae unitatem dividi, novamque erigi propter honorem, majusque paucorum civium commodum. Ego vero nullibi invenerim, honorem, ut ajunt, majusque commodum canonicam dividendae Paroeciae unitatis causam esse, quum id in nullo adhuc libro scriptum sit.

Præc.

*Præoccupatiōni respondetur. Quando
Ecclesiæ Parœciali, populoque
magis serviatur.*

§. VII. Satius vero esse opinor, illis, qui hos incaute jactitant, eo bonum esse Paroeciarum unitatem dividere, quod plures Parochi plura habeant stipendia, quæ vulgo congruæ dicuntur, & alia quædam id genus, nihil quidem respondere, quam eorum auscultare insanias. Ego vero hoc politicis hisce viris problema discutiendum propono: Melius ne sit, gratia exempli, unum ovibus Christi cujusdam oppidi, Parochum novum a veteri distinctum, an totum ejusdem loci clerum uno eodemque conduci stipendio, earumque curæ pro rata quemque portione vacare?

Sed ante problematis solutionem præmittendum est, tantum abesse, ut Parochus iste novus, qui pro sacris canonibus *auxiliaris* Matrîci Ecclesiæ dicitur, se ad id tantum existi-

met

met Parochum factum esse ; quo veterem adjuvet , pietatem foveat , caritatem in Parœcianos studeat augere , quin potius , quum sibi persuasum sit , se a Matrîci divisum , omnia pro suo jure exercere , veteri Parocho tum in dignitate , tum in honoribus parem , illud usurpet , quod nec jus , nec Ecclesia umquam contulit , ita ut in omnium festorum dierum æmulatorem evadere incipiat , alios festos dies excogitando , quo pietatis fucus splendidior adpareat . Quod si *licet parva componere magnis* , id pro virili Parochi isti novi studeant efficere , quod olim Cpolitani Patriarchæ reipsa effecerunt ; qui eo pervenerant superbiæ , atque arrogantia , ut sibi œcumenici Patriarchæ titulum , qui solius est Pontificis Romani , adrogarent . Accedit etiam , quod novi isti Parochi , ut fert hominum natura , quales militiæ duces , cleri *unitatem* , quod Catholicæ Ecclesiæ canones non permittunt , sine necessitate dividendo , per injuriam quærunt . hominum scribere delectum : sic sacræ Ecclesiæ functiones nec in Matrîci , nec in nova

Pa-

Paroecia ea, qua debet ratione fieri possunt. Hinc omnia, quæ paulo ante dicta sunt, existunt mala: & eo quandoque ventum est, ut festi, sollemnesque dies, atque sacræ functiones ad quamdam reducantur pietatis speciem. Sed ad propositum veniamus. Ecclesiæ Dei, ut certum est, tunc servitium præstabatur industrium, quum omnes Ecclesiastici viri uni addicebantur Ecclesiæ, quæ *incardinatio* dicebatur; ita ab ipsa Ecclesia pro suo quisque gradu stipendium quotidie accipiebat. Qua sane disciplina mutata, cæperunt Presbyteri huc illuc vagari. Quapropter sive politicum lucrum (quod satius est pluribus, quam uni distribui), sive Paroecianorum spectetur commodum, nullum quidem dubium est, quin & majori sit utilitati, & magis animarum saluti provideatur, totum sub Paroecialis Ecclesiæ unitate Clerum, quam Parochum alterum a veteri novum distinctum curæ animarum vacare. Hoc & antiquitatem sapit, quæ Ecclesiæ menti consona est, & perennia jurgia dirimit.

F I N I S.

INDEX CAPITUM, ET PARAGRAPHORUM.

CAPUT I.

- §. I. *Qua potestate polleant Episcopi.* pag. 5
 §. II. *Paroeciarum origo. Quid de ea sentiant eruditi.* 5
 §. III. *Episcopatus in civitatibus, non in pagis, vicisque fundati.* 9

CAPUT II.

- §. I. *Ecclesia pacem adeptâ, Paroecias distingui cœperunt.* 12
 §. II. *Ex hac Paroeciarum distinctione multi canones existerunt. Eorum occasio describitur.* 15
 §. III. *Autto pagorum populo, propter difficultatem Paroecias jussæ sunt dividi.* 17
 §. IV. *Episcopi ex hac constitutione Paroecias, invito Rectore, sine Papæ facultate non poterant dividere ante Tridentinum.* 19

CAPUT III.

- §. I. *Quid Patres Concilii de Paroeciarum divisione senserint, brevi exponitur.* 21
 §. II. *Præcipuus hujus canonis finis rusticorum mappalia.* 23
 §. III. *Episcopi novam Paroeciam, veterem dividendo, non œconomiam independentem possunt constituere.* 24
 §. IV. *Vera necessitas exigit Paroeciarum divisionem, non sola Episcoporum voluntas.* 26
 §. V. *Ecclesia sine necessitate numquam Paroeciarum divisionem adprobat.* 28
 §. VI. *Causæ dividendæ Paroecia adferuntur.* 29
 §. VII. *Novâ Paroecia per dismembrationem sine justa causâ summam injuriam adfert Parocho veteri.* 31

- §. VIII. *Paroecia dismembratio facta, causa non cognita, nullius est momenti.* 32
- §. IX. *Mutuus amor inter Episcopos, & subditos; qui haberi nequit, si Episcopi res forte agunt.* 34
- §. X. *Episcopi non possunt plus sibi potestatis adsumere, quam Concilium eis permittit in Paroeciis dividendis.* 37
- §. XI. *Canonica Paroeciarum divisio Episcopis concessa, causa subsistente.* 42
- §. XII. *Quid sibi velint ea verba, inuitis Rectoribus.* 43
- §. XIII. *Ex natura lege nemo jure suo spoliandus, nisi cognita causa.* 44
- §. XIV. *Hæc Episcoporum potestas non absoluta, sed hypothetica est.* 46

CAPUT IV.

- §. I. *Paroeciarum sine necessitate divisio uberrima malorum seges.* 48

I. Malum

- §. II. *Bonorum virorum scandalum.* 49
- II. *Malum Falsitates multæ.* 51
- III. *Malum Rumpitur caritatis vinculum.* ib.
- IV. *Malum Languet pietas, inter cives discordia.* 52
- V. *Malum Se conviciis proscindunt; sancta non sancte tractantur.* 53
- VI. *Malum Omnium malorum epitome Paroeciarum absentia propter injustam Paroeciarum divisionem.* 55
- §. III. *Ecclesia tam grandia mala semper curavit eliminanda; nec non summi Imperantes.* 57
- §. IV. *Rex Pipinus jura Ecclesiarum defendit.* ib.
- §. V. *Utriusque quoque Scitia Reges canones volunt observari.* 58
- §. VI. *Honoris, & paucorum civium majoris commodi causa Paroecia numquam dividenda est.* 59
- §. VII. *Præoccupationi respondetur. Quando Ecclesia Paroeciali magis serviatur.* 60



